



Nem Aenndaeng

贴鼻子

贵港市覃塘区蒙公镇高占小学四年级 Lij Yingzyingz/李莹莹

Ngoenzneix banringz dangz banhoih, daihgya gig angq, aenvih lauxsae yaek daiq dou guh aen youzheiq gig mizyinx ndeu, haenx couh dwg nem aenndaeng.

Baez hwnjdangz, Lij lauxsae couh gaem mbaw siengq lwgnyez gyauej hung mbouj miz aenndaeng ndeu daeuj, heuh banhcangj nem youq cungqgyang gwnz hwzbanj. Lwgnyez doiq lwgda ndongqliklik, bwnda gungingetnget, aenbak iqet, naj luenzlulu, dwggyaez raixcaix. Hojsik mbouj miz aenndaeng, doiq da hung de cingq muengh dou, lumjbaenz

doiq dou naeuz: “Daeggo dahcej, sou bouxlawz daeuj nem aenndaeng gyaundeihawj gou vei!”

Youzheiq haindu lo, Lij lauxsae riu naeuz: “Yawj bouxlawz nem ndaej vaiq youh cingq.” Lij lauxsae vah ngamq gangj sat, gyoengq doengzhag ceng gonq lau laeng dwk yaengx fwngz hwnjdaej, sing hung naeuz: “Gou daeuj!” “Gou daeuj!” Hoeng, Lij lauxsae bienbien yawj hwnj gou. Gou daeukeiq fwngfwng byaij coh gangjdaiz, ndwn youq gizdieg lauxsae dingh ndei haenx. Lij lauxsae naj riunyumj hawj gou daiq gaiq baengz cw lwgda ndeu, gou sikhaek gijmaz cungj yawj mbouj raen lo, lauxsae lij

heuh gou youq gizde cienq geij gien, yienghneix gou gyauej miz di ngunh lo, saemxsamx saxsax benz hwnj gangjdaiz. Gou sien aeu fwngz lumh-lumh mbawsiengq, youh yungh lwg-fwngz dag yaep he, couh menhmenh dawz “aenndaeng” nem hwnjbae, lij caengz caj gou cienq ndang gvaq-daeuj, gyoengq doengzhag youq baihlaj couh riuho lo, gou duet gaiq baengz cw lwgda roengzdaej, nu lwgda baez yawj, swheij hix riu ndaej bak hab mbouj hwnj lo. Yienzlaiz gou dawz aenndaeng nem fanjbinj lo— Congh ndaeng daengj coh baihgwnz! Gou sim siengj: Danghnaeuz de swiq naj, haenx mbouj dwg dawz raemx

guenq hauej ndaw aenndaeng ma, aenndaeng couh ndaej dang aen “caeng raemx” lo.

Doeklaeng, gyoengq doengzhag laebdaeb hwnjbae nem aenndaeng, hoeng, mbouj dwg nem mbeuj le, couh dwg nem ngeng lo, mbouj miz saek boux nem ndaej cingq, daeuj ndaej lauxsae caeuj dou cungj riuha, miz mbangj riu ndaej raemxda cungj conh okdaej lo.

Roengzdangz lo, dou gig sij mbouj ndaej dingz roengzdaej, ngoenzneix dou guhcaemz ndaej caen sim’angq ha!

(boux lauxsae son’gyauq: Veiz Gyanghbingz) (指导老师: 韦江萍)

Guekcoj, Souj Go Ndiepgyaez Ciengq Mbouj Sat He

祖国是首唱不完的恋歌

Gou mboujcej baez ndeu siengj gvaq, guekcoj, dauqdaej dwg gijmaz? Gou siengj ha siengj ha, moix baez siengj hwnj “guekcoj” song cih saw neix, ndawsim couh gamjdaengz unqnem, ndawda couh aeng miz raemxda, lwed ndawndang couh ndatfwd laedoengh……

Guekcoj dwg gijmaz? De dwg bya, dwg haij, dwg ndoengfaex, dwg diegnywj, dwg lajmbanj, dwg ndawsingz, dwg diegsa gvangqlangh yawj mbouj raen henz, dwg diegbya sangdaemq doxrangh.

Guekcoj dwg gijmaz? De dwg hoenz-feiz, dwg sauqroegbeggap, dwg ruzlungz nguxnyied co’ngux, dwg bogfeiz bet nyied cibngux, dwg sing hemq yiya lwnghing ndaw gyoivenj, dwg bingj daxmeh youq ndaw rek cien okdaej, dwg vahdaengq daxboh mwh okdou bae gizgyae.

Guekcoj dwg gijmaz? De dwg gij naemjngeix Gungjswj, Laujswj, Canghswj, dwg gij sei Giz Yenz, Lij Bwz, Luz Youz, dwg gij sanjvwnz Hanz Yi, Liuj Cunghyenz, Suh Si, dwg gij swz Lij Yi, Lij Cinghcau, Sinh Hiciz, dwg gij veh Bazdasanhynz, Cwng Banjgyauz, Ciz Bwzsiz, dwg gij suhfaz Mij Fuz, Vangz Sanhguz, Linz Sanjcih, dwg gij cauuhguz vuz coengmingz ndaw banlaux gyoengq-raeuz guh haenx, dwg goenglauz doenghgij daihsae gou gingqcungh haenx.

Guekcoj dwg gijmaz? De dwg heifouh baez youh baez, doiqdingj baez youh baez, saetbaih baez youh baez, haenqhwnj baez youh baez. De dwg cungq ndaw fwngz cansw, dwg lwed gwnz ndang cansw, dwg angqfaengz ndaej hingz le, dwg baenz yieb baenz yieb faenzcieng gwnz saw lizsij mbouj nduknaeuh haenx.

Gwnzbiengz miz haujai dieg gyaundeihawj. Hoeng, gizde miz Byavangzsanh lwi?


Miz Dahvangzhoz lwi? Miz Dahcangzgyangh lwi? Miz Cangzcwnz lwi? Miz bauei mwh daxmeh seng gou haenx lwi? Miz rizdin gou baez yamq baez yamq bin bya dangh raemx gvaqdaej haenx lwi? Miz gij fungsug gangj mbouj caenh gou caeuj vuzcaen gou gaeng sibgvenq haenx lwi? Miz gij fwen ranzmbanj gou baez hai bak ciengq couh roxnyinh rwenzrwd haenx lwi?

Mbouj miz. Gawqyienz gijneix cungj mbouj miz, yienghneix, guekcoj couh dwg gizdieg mbouj ndaej lawh ndeu.

Guekcoj, de dwg souj go ndiepgyaez ciengq mbouj sat ndeu, dwg faenzcieng ndei sij mbouj caenh ndeu. De dwg gizdieg cojcoeng raeuz caeuj gij cojcoeng cojcoeng gwndaenj sanj lwglan daih youh daih haenx, hix dwg gizdieg lwglan raeuz caeuj gij lwglan lwglan gwndaenj hwngfat haenx.

……
Hawj raeuz engqlai roxyiuj ngoenz-lwenz guekcoj, hix engqgya roengzrengz hwnqguh ngoenzneix caeuj ngoenzcog guekcoj! Daengzcog dwg gvihaeuj Cungguk! Daengzcog Cungguk gvihaeuj boux-coz!

(Daj《Geiq Cimh Loq Cangh Gez Sanjvwnz Cingsenj》senjaeu)



suenangq gojlwngnyez·3

Goyizcienz

榆钱树

2

Daxmeh Siujvwnz baenz bingh lo, canghyw naeuz yaek guh soujsuz, yaek yungh haujai cienz. Daxboh dawz doxgaiq ndaw ranz dijciez haenx cungj gai lo, youh caeuj caencik baengzyoux ciq di cienz he, hoeng lij ceng cienz guh soujsuz bengzcaeng haenx haujai.

Daxboh siengj daengz goyizcienz ndawhng, gietdingh gai go faexyzcienz neix bae. Siujvwnz dai cungj mbouj haengj, de mbouj bae hagdangz, daengx ngoenz umj gofaex, mbouj gwn mbouj ninz.

Daxboh hat Siujvwnz: “Meh mwngz youqgaenj, lijdwg go faex neix youqgaenj!”

Siujvwnz mbouj gangj vah, cij dwg raemxda lae mbouj dingz. Daxbuz gienq Siujvwnz, gienq dwk gienq dwk, swheij hix daej lo.

Dwg ha, go faexyzcienz neix daiq hawj saedcej Siujvwnz caeuj aen ranz neix geijlai angqyangz ha!

Siujvwnz daej dwk daej dwk, gutgungq youq goek faex, ninzdaek lo. De gaeng geij ngoenz geij hwnz mbouj laep da, saedcaih dingj mbouj ndaej lo. Daxboh umj de hauej ranz bae lo.

Swnh Siujvwnz ninzdaek, boh Siujvwnz heuh geij boux vuz daeuj, lienz raemj daiq gawq, doxcaez dawz go faex neix raemj roengzdaej lo.

Siujvwnz deng sing goyizcienz laemx roengz cauz ndiu lo, de lumj fatbag nei buet ok ranz bae, yawjraen goyizcienz laemx youq gwnz dieg, de siengsim dwk daejnga’nga lo.

De daej haemz daej manh, gyoengqvunz dingq ndaej sim cungj cieq lo.

Daxbuz buet gvaqdaej, umj dawz Siujvwnz, nai de.

Siujvwnz ndang baez unq, laemx youq ndaw rungj daxbuz, maezmuenh gvaqbae lo.

(Gyah Ying)

(dozcap banjneix daj gwnzmuengx aeu)